

# Oqaasileriffik/ Sprogsekretariatet

**Nunat Aqqinik Aalajangiisartut  
tallimangorneq septembarip 21-anni 2018-imi  
Ilimmarfimmi ataatsimiinnerat**

**Peqataasut:** Aviaaja Rosing Jakobsen, Eva Mätler


Skypikkut Johannes Rosing (Uju) peqataavoq.

**Peqataangitsoq:** Niels Lorentzen

Allatsi: Lisathe Møller

## Oqaluuserisat makkuupput:

1. Ullormut oqaluuserisassat akuerineqarnerat
2. Kingullermik ataatsimiinnermit imaqarniliap akuerineqarnera
3. Siulittaasumit allattoqarfimmillu ilisimatitsissutit
4. Ilaasortat siunnersuutaasa suliarineqarnerat
  - a. Nunat aqqinik oqaluttuarluni filmiortissinnaanerup periarfissaqarsinnaaneramik eqqartuineq
5. Suliat aalajangiiffisassat oqaluuserinerat
  - a. Jan Løvep tunumi Schweizerlandimiittup nunat aqqa pillugu saaffiginnissutaa Grønlænder Fjeldet
  - b. Pisortatigoortumik nunaqarfiup aqqa Narsaq Kujalleq inuisa taaguinerattut Narsarmijinnngortissava?
  - c. Nunat aqqinik ilisimasalik Angutinnguaq Olsen peqatigalugu nunat aqqa nalunaarsukkat akuerititassat
  - d. Nunat aqqinik ilisimasalik Johannes Rosing (Uju) peqatigalugu nunat aqqa nalunaarsukkat akuerititassat
6. Suliat allat pillugit ilisimatitsissutit



# Oqaasileriffik/ Sprogsekretariatet

## 1. pillugu –

Oqaluuserisassat Nunat Aqqinik Aalajangiisartunit akuerineqarput.

## 2. pillugu –

Aggustip 21-anni 2018-imi ataatsimiinnermit imaqarniliaq akuerineqarpoq.

## 3. pillugu –

Allattoqarfimmit ilisimatitsissutigineqarpoq Lisathe Møller Bruxellssimut nunat aqqinik nalunaarsuilluni katersisimaneq pillugu saqqummiartussasoq, ulluni ukunani Bruxelimiissalluni 10.-13. Oktobar 2018.


## 4. pillugu –

Nunat aqqinik oqaluttuarluni filmiortissinnaanerup periarfissaqarsinnaaneraniq eqqartuinissaq Nunat Aqqinik Aalajangiisartunut ilaasortamit Johannes Rosingimit siunnersuutigineqartoq Nunat Aqqinik Aalajangiisartunut ilaasortat ataatsimiinnerminni eqqartorpaat. Ilaasortat ataatsimeeqataasut Johannes Rosingip siunnersuutaa isumaqatigilluinnarlugu akuersaarpaat. Taamaattumik suliassaq taanna iluatsittumik piviusunngortissinnaanersoq pillugu Nunat Aqqinik Aalajangiisartut allattaat Lisathe Møller misissuissaq.

## 5. pillugu –

Suliat aalajangiiffigisat:

- a. Jan Løvep tunumi Schweizerlandimittoq nunap aqqa pillugu saaffiginnissutaa **Grønlænder Fjeldet** Nunat Aqqinik Aalajangiisartut eqqartorpaat. Suli aalajangiinissamut toqqammavissat amigarmata aalajangiiviginngikkallarpaat. Nunat Aqqinik Aalajangiisartuni ilaasortaq Eva Mätzler novembarimi Schweizimiinnissamini allagaatitoqaasivimmi (arkiv) misissussamaarpaa De Quervainsip Grønlænder Fjeldimik atsiilerami soq taama atsiisimanagera pillugu paasissutissanik allanik peqaratarsinnaanera misissussallugu.
- b. Pisortatigoortumik nunaqarfiup aqqa **Narsaq Kujalleq** inuisa taaguinerattut Narsarmijinngortinneqassanersoq pillugu Nunat Aqqinik Aalajangiisartut eqqartuipput. Nunat Aqqinik Aalajangiisartut ataatsimeeqataasut tamarmik ajoriffissaqartinnagu aalajangerpaat inuisa taasisarnerat malillugu ateqalertariaqartoq tassaalissasorlu **Narsarmijit**. Sumiiffimmi nunamik atuisuusut nunanik ateqartitsinerat atuisarnerallu Nunat Aqqinik Aalajangiisartut ataqqillugulu malikkusuppaat.



# Oqaasileriffik/ Sprogsekretariatet

Misissuinerup annertuup takutippaa suli

ajokersuiartortitaqarfinngungikkallarmalli inuinit **Narsaq**<sup>1</sup>-mik ateqartinneqarsimasoq. Ajoqersuiffinngormat juulip 27-anni 1824-mi ajoqersuisunit atserneqarsimavoq **Friedrichsthal**<sup>2</sup>, 1900-p aallartinneraniilli **Frederiksdal**imik allanneqartalersimalluni.

1866-imiilli nunatsinni atorfillit nunaqarfik **Narsaq Kujallermik** allattalersimagaat takussutissaqarpoq<sup>3</sup>. Kujataani illoqarfiusoq Narsaq, nunaqarfilli eqqartorneqartoq taamani inuinit Narsamik taaneqartarmata immikkoortinniarlugit Narsaq Kujallermik allattarsimavaat. Taamanimiilli atorfilinnit aallaaveqartumik nalunaarsugaataasuni amerlanerni nunaqarfik allanneqartarsimavoq **Narsaq Kujalleq**<sup>4</sup>. Taamaalilluni ukiorpassuarni nunaqarfik marlunnik pisortatigoortumik ateqartinneqarpoq tassaasunik **Narsaq Kujalleq** aamma **Frederiksdal**. 1996-imi Nunat Aqqinik Aalajangiisartut sumiiffik ataatsimik ateqartarnissaannik (enkelautorisation) aalajangiinerisa kingunerisaanik nunaqarfik ateqartinneqalerpoq **Narsaq Kujalleq**, sulilu maannamut pisortatigoortumik taanna ateralugu.

1980-kkunniilli aallartittumik nunaqarfiup inuisa nunaqarfitsik **Narsarmijit**imik ateqartillugu isummersortarput, taamalu ateqartariaqarneranik oqaaseqartarlutik. Taamaattumik 1993-imi Nunat Aqqinik Aalajangiisartut Oqaasiliortullu ataatsimeeqatigiinnerminni isumaqatigiissuteqarsimapput qaqugu inuisa kissaataat malillugu **Narsarmiun**imik pisortatigoortumik ateqartinneqalerumaarnersoq<sup>5</sup>. Maluginiarneqassaaq taamani Nunat Aqqinik Aalajangiisartut nunat aqqinik atuuttussanngortitsisarsimanagerat malillugu allanneqarsimammat **Narsarmiut**. Tassami ukiorpassuarni nunat aqqi kalaallit tamarmik atugassaat (standardsprog) malillugu sumiorpaluutaajarlugit atuuttussanngortitsisarnikummata.

---


<sup>1</sup> Bilag 3, qupp. 2,4,5.

<sup>2</sup> Bilag 3, qupp. 1.

<sup>3</sup> Bilag 3, qupp. 2.

<sup>4</sup> Bilag 2. qupp. 1.

<sup>5</sup> Bilag 2. qupp. 1.



# Oqaasileriffik/ Sprogsekretariatet


Misissuinerit aallaavigalugit 2005-imit 2012-mut nunaqarfik pisortatigoortumik Narsaq Kujallermik ateqartinneqaraluartoq tusagassiorfitsigut **Narsarmijit** kiisalu **Narsaq Kujalleq** atorneqartaannarput.

Nunat Aqqinik Aalajangiisartut misissuinerit aallaavigalugit inuisalu suli maannamut Narsarmijinik taasisarnerat toqqammavigalugu nunaqarfiup Narsaq Kujallermik pisortatigoortumik ateqartikkunnaarlugu Narsarmijinik ateqartilernissaat pillugu Oqaasiliortunut nunaqarfiup aqqata inuinit allanneqartarnerattut ateqartilersinnaa naliliivigitinniarlugu saaffiginnissuteqassapput.

- c. Nunat aqqinik ilisimasalik inuusuttoq Angutinnguaq Olsen peqatigalugu Nassuttuumi nunat aqqi nalunaarsukkat akuerititassat Nunat Aqqinik Aalajangiisartut atuuttussannngortitassatut nalilersuiffigalugit suliarivaat. Nunat aqqinik nalunaarsuilluni suleriaaseq Angutinnguaq Olsen suleqatigalugu ingerlanneqartoq allatut suleriaaseqarluni ingerlanneqarpoq. Nassuttuumi nunat aqqinik ilisimasaqarluinnartoq Jørgen Inuusuttoq 1980-ikkunni radiukkut immiunneqarsimanagera tusarnaajutigalugu nunat aqqinik sulineq ingerlanneqarpoq.


Taakku aallaavigalugit nunat aqqi ataaniittut pisortatigoortumi nunap aqqisut atuutsinneqalersut takuneqarsinnaapput:

<b>Nunap aqqa akuerineqartoq</b>	<b>Paasissutissat allat</b>	<b>Suussu-sia</b>	<b>Tigusiffik</b>	<b>Kommune</b>
<b>Naajaat</b>	Siornatigut: Naajat	FJELD	Radio: Jørgen Inuusuttoq (Angutinnguaq Olsen suleqatigalugu naqqigaaq)	Kangaatsiaq
<b>Milattuunnguaq</b>	Siornatigut: Qeqertaq	Ø	Attormiut, Angutinnguaq Olsen	Sisimiut
<b>Ulitsiivik</b>	Siornatigut: NÆS	ULITSII	Landkort 67 v-2, Attormiut, Anton Inuusuttoq	Sisimiut
<b>Kaatorissat Kuussuat</b>	Siornatigut: Kaatorissat. Attormiut, Angutinnguaq Olsen:	ELV	NAA	Sisimiut



## Oqaasileriffik/ Sprogsekretariatet


	Kaatorissat Kuussua			
<b>Sannerutip Tasersua</b>	Siornatigut+ Attormiut+ Anton Inuusuttoq: Sannerutip Tasia	SØ	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Qingartapalaap Alanngua</b>	Siornatigut: FJOB	SKYGGE	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Ikorfiit Tasiat</b>		SØ	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Naajaallip Qalorsaa</b>		GRYDE	Angutinnguaq Olsen. Ataataa Frantz R. Olsen Nasalissuarmit oqaluttuunneqartarsimagami,	Sisimiut
<b>Sannerutip Qalorsaa</b>		GRYDE	Angutinnguaq Olsen. Ataataa Frantz R. Olsen Nasalissuarmit oqaluttuunneqartarsimagami,	Sisimiut
<b>Qitiffiup Nuua</b>		NÆS	Angutinnguaq Olsen	Sisimiut
<b>Qimatulivik</b>		FAP	Angutinnguaq Olsen	Sisimiut
<b>Inorusilik</b>		LANDA	Angutinnguaq Olsen	Sisimiut
<b>Kaatorissat</b>		FAP	Angutinnguaq Olsen	Sisimiut
<b>Taseq Imaarnikoq</b>		BRINK	Angutinnguaq Olsen	Kangaatsiaq
<b>Nuuk Qaqortoq</b>		NÆS	Angutinnguaq Olsen	Kangaatsiaq
<b>Kataasaq</b>		DAL	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Kataasap Qaqaa</b>		FJELD	Angutinnguaq Olsen	Sisimiut
<b>Kataasap Tasia</b>		SØ	Angutinnguaq Olsen	Sisimiut
<b>Majoriaq</b>		NÆS	Angutinnguaq Olsen	Sisimiut



## Oqaasileriffik/ Sprogsekretariatet

<b>Umiiviup Tasinngortaa Silarleq</b>		INDSØ	Angutinnguaq Olsen	Sisimiut
<b>Qajaasaaq</b>		NÆS	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Kangaatsiaq
<b>Eqalummiut Tasinngorta</b>		INDSØ	Angutinnguaq Olsen	Kangaatsiaq
<b>Tasersuattaq</b>		SØ	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Ilivillip Sinarsussua</b>		SKRÅN	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Qaarajuttup Killequtarsua</b>		FJELD	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Kanginnaaq</b>		FJELD	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Noorujuk</b>		NÆS	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Sisimiut
<b>Narsaq</b>		SLETTE	Iilisimasalittaq: Angutinnguaq Olsen	Sisimiut
<b>Atanaaarsuk</b>		TANG	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Kangaatsiaq
<b>Eqalummiut isuat</b>		LANDA	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Kangaatsiaq
<b>Pinnerujuup Innaa</b>		BRAT	Radio: Jørgen Inuusuttoq. Tusarnaarnermi ilisimasalittaq: Angutinnguaq Olsen	Kangaatsiaq

Nunat aqqi marluk Nunat Aqqinik Aalajangiisartunit akuerineqanngikkallartut ataani takuneqarsinnaapput, annerusumik paasissutissanik pereernerup kingorna ataatsimiissutigineqassallutik.




# Oqaasileriffik/ Sprogsekretariatet

Nalunaarsugaataareersuni **Kukissooq**-mik ateqartinneqartoq, Angutiviaq Joelsenip **Kukik**-mik ateqartinnerarlugu naqqiissutaa misissugassanngortinneqarpoq. Nunat Aqqinik Aalajangiisartut nunap aqqa pillugu annerusumik paasisaqaqqaarusupput.




Nunap aqqa **Tasersuattaap Kangiatungaani Aasivissuit** avannamut kangimut nuuaniimmat kangiatungaaniinnani ilumut aterivinneraa Nunat Aqqinik Aalajangiisartut misissugassanngortippaat.





## Oqaasileriffik/ Sprogsekretariatet


**Ikorfiit Tasiat** Jørgen Inuusuttup radiukkut oqaluttuarnera toqqammavigalugu tatsimut kangisinnerungaatsiartumut nuutsinneqarmat Ikorfiit Tasiattut nalunaarsorsimagaluartoq assimi ataaniittumi takuneqarsinnaasoq allamik ateqarnerisooq paasiniagassanngortinneqarpoq.



Nunap assingani ataaniittumi taserujussuaq nalunaarsukkani ateqartinneqartoq **Atanaarsuk** aterivinneraa misissugassanngortinneqarpoq. Atanaarsuk ataqqatuttumik isumaqarnera pissutigalugu taserujussuarmut ateqartutut nalunaarsorsimanera Nunat Aqqinik Aalajangiisartunut ilaasortap Johannes Rosingip ippigimmagu misissugassanngortinneqarpoq.







# Oqaasileriffik/ Sprogsekretariatet

d. Nunat aqqinik ilisimasalik Johannes Rosing (Uju) suleqatigalugu Isortup timaani nunat aqqi nalunaarsukkat Nunat Aqqinik Aalajangiisartunit eqqartorneqanngillat. Tulliani ataatsimiinnissamut eqqartugassanngortinneqarput.

## 6. pillugu –

Ataatsimiinnissaq tulleq tallimanngornermi oktobarip 5-anni nalunaaqutaq qulinut pissasoq Nunat Aqqinik Aalajangiisartut isumaqatigiissutigaa.

---

Aviâja Rosing Jakobsen  
Siulittaasoq

Niels Lorentzen  
siulittaasup tullia  
*ataatsimeeqataanngilaq*

Johannes (Uju) Rosing  
NAA-mi ilaasortaq

Eva Mätzler  
NAA-mi ilaasortaq